



NAVOIY VILOYATI G'OZG'ON SHAHAR HOKIMINING Q A R O R I

G'ozg'on shahar, Amir Temur k 1.

2023 - yil 25 - yanvar

5-5-210-Q/23

G'ozg'on shahar xokimligi

Shaharda 2023-yilda transport vositalarining majburiy texnik ko'rigini tashkil etish va uni o'tkazish to'g'risida

“Yo‘l harakati xavfsizligi to‘g‘risida”gi O‘zbekiston Respublikasi Qonunining 17-moddasi, O‘zbekiston Respublikasi Vazirlar Maxkamasining 2021-yil 9-martdagi 125-sonli qarori bilan tasdiqlangan “Transport vositalarini majburiy texnik ko‘rikdan o‘tkazish tartibi to‘g‘risida”gi Nizomga (keyingi o‘rinlarda - Nizom) muvofiq shaharda transport vositalarining 2023-yilda majburiy texnik ko‘rigini tashkil qilish maqsadida G‘ozg‘on shahar Ichki ishlar bo‘limining 2022-yil 29-noyabrdagi 24/2312-sonli xatini inobatga olib, “Mahalliy davlat hokimiyati to‘g‘risida”gi O‘zbekiston Respublikasi Qonunining 6, 25-moddalariga asosan,

Q A R O R Q I L A M A N:

1. Shahar hududidagi mulkchilik shaklidan qat'iy nazar yuridik va jismoniy shaxslarga tegishli bo‘lgan transport vositalari qonunchilikda belgilangan tartibda majburiy texnik ko‘rikdan o‘tkazilsin.

2. Shaharda transport vositalarini majburiy texnik ko‘rigini tashkil etish va o‘tkazish bo‘yicha shahar komissiyasi tarkibi 1-ilovaga, jismoniy va yuridik shaxslarga tegishli bo‘lgan transport vositalarini 2023-yilgi majburiy texnik ko‘rikdan o‘tkazish jadvali 2-ilovaga muvofiq tasdiqlansin.

3. Transport vositalari quyidagi davriylikka muvofiq texnik ko‘rikdan o‘tkazilsin:

- tijorat asosida yo‘lovchilar tashish faoliyati bilan shug‘ullanuvchi yengil avtomobillar, avtobuslar, trolleybuslar, tramvaylar va o‘rindiqlar soni 8 ta va

undan ortiq bo'lgan (haydovchining o'rnidan tashqari), odamlarni muntazam tashish uchun jihozlangan yuk avtomobillari, yirik gabaritli, og'ir vaznli va xavfli yuklarni tashish uchun maxsus transport vositalari va ularning tirkamalari bir yilda ikki marta;

- ishlab chiqarilganiga olti yildan ko'p bo'lmagan transport vositalari (mazkur bandning ikkinchi xatboshisida ko'rsatilgan transport vositalaridan tashqari) ikki yilda bir marta;

- ishlab chiqarilganiga olti yildan ortiq bo'lgan, shuningdek, ishlab chiqarilgan vaqti aniq bo'lmagan transport vositalari (mazkur bandning ikkinchi xatboshisida ko'rsatilgan transport vositalaridan tashqari) bir yilda bir marta;

- tirkamalar texnik ko'rikka transport vositasi shatakchi uchun belgilangan muddatlarda;

- navbatdagi texnik ko'rikdan o'tkazishning ilgari o'rnatilgan muddatlaridan qat'i nazar, ularni Davlat yo'l harakati xavfsizligi xizmati (keyingi o'rinlarda DYHXX) organlarida ro'yxatdan o'tkazish (qayta ro'yxatdan o'tkazish) vaqtida (birinchi marta ro'yxatga olinayotgan yangi transport vositalari bundan mustasno).

4. Mazkur qarorning 3-bandi ikkinchi xatboshisida ko'rsatilgan transport vositalarining texnik ko'rigi:

- birinchi marta 1-mart 30-iyunda;

- ikkinchi marta 1-sentyabr 31-oktyabrda o'tkaziladi.

Jismoniy va yuridik shaxslarga tegishli boshqa transport vositalarining texnik ko'rigi 1-yanvar 31-dekabrda o'tkaziladi.

5. Transport vositalarini majburiy texnik ko'rikdan o'tkazish shahar komissiyasi rahbariga transport vositalarining texnik ko'rikdan o'tkazishda:

- transport vositasini ro'yxatdan o'tkazish to'g'risidagi guvohnomada (texnik pasportda, texnik talonda) ko'rsatilgan ma'lumotlarga transport vositasi turi, markasi, modeli, davlat ro'yxatidan o'tkazish raqami belgilari, shassi (rama), kuzov va dvigatelning identifikatsiyalash raqamlarining muvofiqligi;

transport vositasining texnik holati va jihozlari texnik reglamentlar, standartlar talablariga, yo'l harakati xavfsizligi qoidalari va normalariga muvofiqligi;

maxsus va tezkor xizmatlarning transport vositalarida maxsus rangli va ovozli signallar qurilmalarining mavjudligi, sozligi va qonuniyligi, shuningdek, transport vositasining rang-grafik bo'yash sxemalarining texnik reglamentlar yoki standartlar talablariga muvofiqligi;

gaz yonilg'isida ishlash uchun qayta jihozlangan transport vositalarini texnik ko'rikdan o'tkazishda gaz ballonlarining foydalanish muddati, ishlab chiqarilgan yili, zavod raqami, gaz ballonlarini sinovdan o'tkazish muddatlari, gaz balloni anjomlarining belgilangan talablarga muvofiqligini tekshirilishini ta'minlasin.

6. Transport vositalarining majburiy texnik ko'rigi DYHXX organlari hamda tadbirkorlik subyektlari yuridik shaxslar tomonidan Nizomga muvofiq o'tkaziladi hamda tegishli yig'im undiriladi.

Transport vositalarining texnik holati va uskunalarining muvofiqligini baholash uchun DYHXX organlari tomonidan vazirliklar, idoralar va boshqa tashkilotlarning texnika bazalari, shuningdek, xususiy texnik xizmat ko'rsatish stansiyalari shartnoma asosida jalb etilishi mumkin.

Jismoniy shaxslarga tegishli bo'lgan M1 toifadagi transport vositalari faqat tadbirkorlik subyektlari tomonidan texnik ko'rikdan o'tkaziladi.

7. Shahardagi barcha transport vositalari egalari bo'lgan yuridik va jismoniy shaxslarga texnik ko'rikdan o'tkazish jadvali asosida transport vositalarini texnik jihatdan sozligini o'z vaqtida texnik ko'rikdan o'tkazish majburiyati yuklatilsin.

8. Vazirlar Mahkamasining 2021-yil 9-martdagi 125-son "Transport vositalarini majburiy texnik ko'rikdan o'tkazish tartibi to'g'risida nizomni tasdiqlash to'g'risida"gi qarori 3-bandiga ko'ra O'zbekiston Respublikasi Milliy gvardiyasi, Mudofaa vazirligi, Ichki ishlar vazirligi va Davlat xavfsizlik xizmati harbiy bo'linmalarining transport vositalari mazkur idoralar tomonidan belgilangan tartibda majburiy texnik ko'rikdan o'tkazilishi inobatga olinsin.

9. Shahar hokimining 2021-yil 31-dekabrda "G'ozg'on shahar hududida yuridik shaxslarga tegishli transport vositalarini majburiy texnik ko'rigini tashkil etish va uni o'tkazish to'g'risida"gi 57-5-210-Q/21-son qarori o'z kuchini yo'qotgan deb hisoblansin.

10. Shahar Ichki ishlar bo'limi va IIB Yo'l harakati xavfsizligi guruhiga mazkur qarorning ijrosi natijalari bo'yicha 2023-yil 10-noyabrga qadar shahar hokimligiga axborot taqdim etish topshirilsin.

11. “Navqiron G‘ozg‘on” gazetasi tahririyati (E.Esanov)ga ushbu qarorni rasmiy nashrda e‘lon qilish tavsiya etilsin, Shahar hokimligi axborot xizmati rahbari - matbuot kotibi (N.Hoshimov) ikki kunlik muddatda shahar hokimligi rasmiy veb-saytida joylashtirilishini ta‘minlasin.

12. Mazkur qaror ijrosini tashkil etish shahar IIB boshlig‘i A.Muxitdinov, qaror ijrosini nazorat qilish shahar hokimi o‘rinbosari O.Oxunjonov zimmalariga yuklatilsin.

13. Ushbu qaror rasman e‘lon qilingan kundan e‘tiboran kuchga kiradi.

Shahar hokimi



A.Bazarov

G'ozg'on shahar hokimining
2023 yil 25 yanvardagi
5-5-210-Q/23-son qaroriga
1-ilova

**G'ozg'on shahar hududida yuridik shaxslarga tegishli transport vositalarini
majburiy texnik ko'rikdan o'tkazish bo'yicha shahar komissiyasi**

TARKIBI

№	F.I.O.	Lavozimi
1	A.Muxitdinov	Shahar IIB boshlig'i, <i>komissiya raisi</i>
2	S.Qudratov	Shahar IIB Yo'l harakati xavfsizligi bo'linmasi boshlig'i, <i>komissiya raisi o'rinbosari</i>
3	Sh.Ashurov	Shahar hokimligi bosh mutaxassisi, komissiya a'zosi
4	A.Homidov	Shahar Ekologiya va atrof-muhitni muhofaza qilish bo'limi boshlig'i, komissiya a'zosi
5	B.Raximov	"O'zavtodaryotrans" agentligi viloyat boshqarmasi bo'limi boshlig'i, komissiya a'zosi

G'ozg'on shahar hokimining
2023 yil 25 yanvardagi
5-5-210-Q/23-son qaroriga
2-ilova

Jismoniy va yuridik shaxslarga tegishli bo'lgan transport vositalarining 2023-yilgi majburiy texnik ko'rikdan o'tkazish

J A D V A L I

№	Tashkilot, korxona, xo'jalik va muassasalar nomi	Texnik ko'rik o'tkazish kunlari	Texnik ko'rik o'tkazish vaqti	Texnik ko'rik o'tkaziladigan joy	Transportlar soni
1	G'ozg'on Shahar hokimligi	10.03.2023	10:00	G'ozg'on shahar	6
2	Shahar Obodonlashtirish boshqarmasi	12.03.2023	10:00	G'ozg'on shahar	6
3	Shahar Elektr tarmoqlari korxonasi	14.03.2023	10:00	G'ozg'on shahar	1
4	Shahar Gaz ta'minoti bo'limi	16.03.2023	10:00	G'ozg'on shahar	1
5	Shahar Xalq ta'lim bo'limi	18.03.2023	10:00	G'ozg'on shahar	1
6	Shahar DSI	20.03.2023	10:00	G'ozg'on shahar	1
7	Shahar Moliya bo'limi	22.03.2023	10:00	G'ozg'on shahar	1
8	Shahar SEO va JS bo'limi	24.03.2023	10:00	G'ozg'on shahar	1
9	Shahar ABKM	28.03.2023	10:00	G'ozg'on shahar	1
10	Shahar Mahalla va Nuroniylarni qo'llab quvvatlash bo'limi	30.03.2023	10:00	G'ozg'on shahar	1
11	"MARMAROBOD" MCHJ	07.09.2023	10:00	G'ozg'on shahar	10
12	"GAZGAN STONE" MCHJ	02.09.2023	10:00	G'ozg'on shahar	5
13	"GAZGAN AVTO EKSPRESS" MCHJ	04.09.2023	10:00	G'ozg'on shahar	6
14	"STROY KAMEN GROUP" MCHJ	05.09.2023	10:00	G'ozg'on shahar	1
15	"MASH'AL BARAKA" X/K	06.09.2023	10:00	G'ozg'on shahar	1
16	"G'OZG'ON NASLCHILIK" MCHJ	07.09.2023	10:00	G'ozg'on shahar	2
17	"GAZGAN NUR" K/K	08.09.2023	10:00	G'ozg'on shahar	2
18	"NAMOZJON-GULRUX" X/Φ	11.09.2023	10:00	G'ozg'on shahar	1
19	"TIANCHENG STONE" MCHJ	12.09.2023	10:00	G'ozg'on shahar	1
20	"USTO ZIKRIYO" X/F	13.09.2023	10:00	G'ozg'on shahar	1
21	"MARMAR STANDART" MCHJ	14.09.2023	10:00	G'ozg'on shahar	4
22	"SAIDJON FARID" F/X	15.09.2023	10:00	G'ozg'on shahar	1
23	"YASHNARBEEK-CHAROSXON" X/F	18.09.2023	10:00	G'ozg'on shahar	1
24	"NUROTA GAZGAN MARMAR" A/J	19.09.2023	10:00	G'ozg'on shahar	4
25	"RUSHANA" F/X	20.09.2023	10:00	G'ozg'on shahar	1
26	"AMIR XONDAMIR KELAJAGI" X/K	21.09.2023	10:00	G'ozg'on shahar	1
27	"RAVSHAN DILSHOD" XICHF	22.09.2023	10:00	G'ozg'on shahar	1

28	“HAYIT-RAYIM-NAJOT” X/K	25.09.2023	10:00	G‘ozg‘on shahar	2
29	“MARMAROBOD JILOSI” MCHJ	26.09.2023	10:00	G‘ozg‘on shahar	1
30	“ZAFAR” X/F	26.09.2023	10:00	G‘ozg‘on shahar	1
31	“NAZOKAT - SEVINCH SOXIBJAMOL” X/F	27.09.2023	10:00	G‘ozg‘on shahar	1
32	“GAZGAN-NUR” K/K	28.09.2023	10:00	G‘ozg‘on shahar	1
33	“NAVOI PROCESS STONE COMPANY” MCHJ	29.09.2023	10:00	G‘ozg‘on shahar	1
34	“STROY KAMEN GROUP” MCHJ	30.09.2023	10:00	G‘ozg‘on shahar	1